

Vnd nit zu argem messen vß
Noch årgerniß/schand/nemen druß
Dann ich habß dar vmb nit gedicht
Aber ich weis das mir geschicht
Glich wie der blumen die wol rücht
Dar vß das Byenlin hunig zücht/
Aber wann dar vff kumbt eyn spynn
So sucht sie gyfft noch jrem gwynn
Das wurthar jnn auch nit gespart
Eyn yedes düt noch syner art
Wo nüt ist güttes in eym huß
So kan man nüt güts tragen vß
Wer nit gern hört von wißheit sagen
Der würt dest dicker von mir klagen
Sem hört man an syn worten an
Was er sy für eyn gouckelman/
Ich hab gesehen manchen dor
Der vff erhebt was hoch entbor
Glich als der Cäder Lybani
Der bduht sich syner narrheyt fry
Ich wart eyn wile/vnd hort synnym
Ich suchtjn/er gab mir keyn stym
Man kund auch fynden nit die stat
So der selß narr gewonet hat
Wer oren hab/der mörck/vnd hör/
Ich schwig/der wolff ist mir nit verr
Eyn narr strofft manchen vor der zyt
Das er nit weißt was jm an lyt
Müsst yeder syn des andern ruck
Er würt bald jnnen was in drückt

v .ij.

